

osiguranja Kantona Sarajevo (u daljem tekstu: Zavod), kojeg je osnivač Kanton Sarajevo.

II

Za direktora Zavoda može biti nominiran/imenovan kandidat koji ispunjava slijedeće opće uvjete:

- a) da je državljanin Bosne i Hercegovine;
- b) da je stariji od 18 godina;
- c) da ima opću zdravstvenu sposobnost za obavljanje navedene pozicije;
- d) da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- e) da se na njega ne odnosi član IX. 1. Ustava Bosne i Hercegovine - da nije pod optužnicom od strane Međunarodnog tribunala za bivšu Jugoslaviju.

III

Pored ispunjavanja općih uvjeta iz tačke II ove Odluke kandidat koji se nominira/imenuje za direktora Zavoda, treba da ispunjava i slijedeće posebne uvjete i to:

- a) da ima završen VII stepen stručne spreme ekonomskog, pravnog ili medicinskog smjera, a kandidat sa završenim pravnim ili medicinskim fakultetom mora imati dodatnu edukaciju iz oblasti ekonomskih nauka;
- b) da ima najmanje tri (3) godine radnog iskustva na poslovima u oblasti zdravstvenog osiguranja i zdravstvene zaštite;
- c) da ima komunikacijske i organizacijske sposobnosti kao i sposobnosti za timski rad;
- d) da poznaje jedan strani jezik;
- e) da nema privatni - finansijski interes u Zavodu za čijeg se direktora kandiduje i
- f) da nije član upravnog odnosno nadzornog odbora niti jedne javne ustanove odnosno drugog budžetskog pravnog subjekta.

IV

Pored uvjeta navedenih u tački II i III ove Odluke kandidat koji se kandiduje za direktora Zavoda dužan je dostaviti viziju - plan rada i razvoja Zavoda, kojim se predlaže funkcionisanje i finansiranje zdravstva za mandatni period.

V

Prilikom utvrđivanja ili primjene kriterija Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

VI

Na osnovu općih uvjeta utvrđenih u članu 7. Zakona o ministarskim, vladinim i drugim imenovanjima Federacije Bosne i Hercegovine i kriterija iz tač. II i III ove Odluke, Ministar zdravstva Kantona Sarajevo će raspisati javni oglas za poziciju direktora Zavoda u "Službenim novinama Federacije BiH" i jednom dnevnom listu velikog tiraža, te predložiti Vladi Kantona Sarajevo sastav Komisije za nominiranje/imenuvanje direktora.

VII

Kriteriji za nominiranje/imenuvanje direktora Zavoda čuvaju se u evidenciji Vlade Kantona Sarajevo.

VIII

Stupanjem na snagu ove Odluke stavlja se van snage Odluka o kriterijima za nominiranje/imenuvanje direktora i zamjenika direktora Zavoda zdravstvenog osiguranja Kantona Sarajevo, kojeg je osnivač Kanton Sarajevo ("Službene novine Kantona Sarajevo", broj 13/12).

IX

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-788-7/14  
14. januara 2014. godine  
Sarajevo

Premijer  
**Suad Zeljković, s. r.**

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), člana 25. stav 2. Zakona o ustanovama ("Službeni list RBiH", br. 6/92, 8/93 i 13/94), člana 4. tačka 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 12. stav 3. Odluke o osnivanju Javne ustanove "Sarajevska filharmonija" ("Službene novine Kantona Sarajevo" br. 3/99 - Prečišćeni tekst, 31/07 i 1/13), Vlada Kantona Sarajevo, na 51. sjednici održanoj 14.01.2014. godine, donijela je

**RJEŠENJE**

**O IMENOVANJU VRŠIOCA DUŽNOSTI  
PREDSJEDNIKA I ČLANOVA UPRAVNOG ODBORA  
JAVNE USTANOVE "SARAJEVSKA FILHARMONIJA"**

I

U Upravni odbor Javne ustanove "Sarajevska filharmonija" na period od najviše tri (tri) mjeseca imenuju se:

1. Mirsada Škrijelj, predsjednik
2. Saša Salihović, član
3. Nedžad Borišić, član
4. Admir Đulančić, član
5. Sanja Svrđlin, član ispred ustanove

II

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-788-18/14  
14. januara 2014. godine  
Sarajevo

Premijer  
**Suad Zeljković, s. r.**

Na osnovu Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 30. Zakona o zaštiti zraka ("Službene novine Federacije BiH", broj 33/03 i 4/10) i člana 23. Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo", broj 1/13), Vlada Kantona Sarajevo, na 51. sjednici održanoj 14.01.2014. godine, donijela je

**PLAN**

**INTERVENTNIH MJERA U SLUČAJEVIMA  
PREKOMJERNE ZAGAĐENOSTI ZRAKA U KANTONU  
SARAJEVO**

I

**OPŠTE ODREDBE**

1. Plan interventnih mjera u slučajevima prekomjerne zagađenosti zraka u Kantonu Sarajevo (u daljem tekstu - Plan) se donosi za moguće posebne situacije u kojima su prekoračene granične vrijednosti kvaliteta zraka, pragovi upozorenja i pragovi uzbune, a kojima mogu biti ugroženo zdravlje ljudi i okoliš.
2. Planom se utvrđuju vrste rizika i opasnosti, postupak i mjere za uklanjanje opasnosti, subjekti zaduženi za primjenu mjera, odgovornost i ovlaštenja u vezi sa primjenom Plana.
3. Plan se primjenjuje na području Kantona Sarajevo.
4. U ovom Planu su u upotrebi pojmovi sa slijedećim značenjima:
  - **Zagađujuća materija** - znači bilo koja supstanca koju čovjek direktno ili indirektno unosi u zrak i koja vjerovatno može imati štetan uticaj na ljudsko zdravlje i/ili na okoliš u cjelini, uključujući i neprijatne mirise.

- **Granična vrijednost** - znači nivo određen na osnovu naučnog znanja s ciljem izbjegavanja, sprečavanja ili smanjivanja štetnih uticaja na ljudsko zdravlje i/ili okolišu u cjelini; ovaj nivo se mora dostići u određenom periodu i kasnije ne smije biti prekoračen.
- **Tolerantna vrijednost** - znači graničnu vrijednost uvećanu za granicu tolerancije.
- **Prag uzbune** - znači nivo iznad kojeg postoji rizik po ljudsko zdravlje prilikom kratkog izlaganja i na kojem će biti preduzeti direktni koraci.
- **Prag upozorenja** - znači nivo iznad koga postoji rizik po ljudsko zdravlje usljed kratkog izlaganja za izuzetno osjetljive dijelove stanovništva i o kome je potrebno dati najnovije informacije.
- **Epizoda** je vremenski ograničen period trajanja povišenih koncentracija zagađujućih materija u zraku u Kantonu Sarajevo ("epizoda" je usvojeni međunarodni termin za označavanje posebnih situacija) i traje 3-5 dana.
- **Referentne stanice** su stanice za mjerenje kvaliteta zraka koje odražavaju stanje kvaliteta zraka za najveći dio grada Sarajeva i nalaze se ispod inverznog sloja.

## II

### VRSTE RIZIKA I OPASNOSTI

1. Koncentracija zagađujućih materija u zraku koja prelazi graničnu i tolerantnu vrijednost kvaliteta zraka, odnosno prag upozorenja, ili prag uzbune, predstavlja potencijalnu opasnost za zdravlje ljudi, biljnog i životinjskog svijeta i materijalna dobra i zbog toga može doći do posebnih situacija koje iziskuju mjere za njihovo prevazilaženje.
2. Povećanje koncentracije zagađujućih materija u zraku je stanje zagađenosti atmosfere sa jednom ili više zagađujućih materija u takvim količinama i karakteristikama, koje nakon dužeg ili kraćeg izlaganja djeluju štetno na zdravlje ljudi, biljnog i životinjskog svijeta i na materijalna dobra.
3. Djelovanje prekomjernih koncentracija zagađujućih materija na organizam čovjeka može biti akutno i hronično. Akutno djelovanje podrazumijeva izlaganje organizma prekomjernim koncentracijama u kraćem vremenskom periodu, to jest "epizodama".  
Hronično djelovanje je izlaganje organizma manjim koncentracijama zagađujućih materija, ali tokom dužeg vremenskog perioda.
4. Glavni izvori zagađivanja zraka su saobraćaj, industrija, sistemi za zagrijavanje stanova, poslovnih i proizvodnih prostora i otvorena ložišta.
5. Glavne zagađujuće materije na koje se odnosi ovaj plan su: sumpor dioksid, azot dioksid i oksidi azota, lebdeće/suspendovane čestice (PM10), ugljen monoksid i prizemni ozon.
  - Sumpor dioksid nastaje spaljivanjem goriva koji sadrže sumpor (drvo, ugalj, nafta, benzin, plin). Sumpor dioksid djeluje na disajne organe, moždani sistem, probavni sistem.
  - Oksidi azota nastaju sagorijevanjem goriva na visokim temperaturama (benzin, nafta, plin). Imaju nadražajno dejstvo na sluznicu disajnih organa i oči. Azotni oksidi, uz ugljikovodike i ugljen monoksid, mogu uzrokovati izrazito ozbiljne posljedice za život i zdravlje ljudi.
  - Lebdeće/suspendovane čestice i dim (čađ) dovode do nadraživanja sluznice disajnih organa i oči, promjena na koži, krvnom sistemu i sl.
  - Ugljen monoksid nastaje kao posljedica nepotpunog sagorijevanja fosilnih goriva. Može izazvati glavobolje, smetnje na mentalne sposobnosti čovjeka, oštećenje kardiovaskularnog sistema itd.
  - Prizemni ozon nastaje u nižim slojevima atmosfere. Najčešće je sastavni dio gradskog smoga i izaziva probleme dišnih organa kod ljudi i oštećenje na biljkama.

## III

### SUBJEKTI ZADUŽENI ZA PRIMJENU PLANA

Subjekti zaduženi za primjenu Plana su:

- Operativni štab Vlade Kantona Sarajevo
- Stručno tijelo za koordinaciju i nadzor
- Pravna i fizička lica koja u svojoj djelatnosti imaju emisiju zagađujućih materija u zrak
- Pravna i fizička lica koja se bave poslovima prijema i prenosa informacija.

#### 1. Operativni štab Vlade Kantona Sarajevo po svojoj funkciji čine:

- ministar prostornog uređenja i zaštite okoliša (predsjednik)
- ministar zdravstva (zamjenik predsjednika)
- ministar unutrašnjih poslova (zamjenik predsjednika)
- ministar saobraćaja
- direktor Zavoda za javno zdravlje
- direktor Hidrometeorološkog zavoda Federacije BiH
- šef Press službe Kantona Sarajevo
- direktor Kantonalne uprave za inspeksijske poslove

Ovlaštenja i dužnosti Operativnog štaba Vlade Kantona Sarajevo za primjenu Plana su:

- procjena rizika i opasnosti usljed trajanja određene epizode,
  - osiguravanje primjene Plana kad nastupi druga i treća epizoda,
  - usklađivanje mjera u primjeni Plana,
  - procjena i obezbjeđenje sredstava u posebnim situacijama,
  - obavještanje javnosti
  - preduzimanje drugih mjera utvrđenih Planom.
- #### 2. Stručno tijelo za koordinaciju i nadzor
- obrazuje Zavod za javno zdravlje Kantona Sarajevo od:
- predstavnika Zavoda za javno zdravlje Kantona,
  - predstavnika Ministarstva prostornog uređenja i zaštite okoliša,
  - predstavnika Hidrometeorološkog zavoda FBiH,
  - stručnih lica iz oblasti zaštite zraka.

Zavod za javno zdravlje će u roku od 15 dana od dana donošenja ovog Plana, pripremiti protokol o radu stručnog tijela i odrediti lice za informisanje javnosti o svim pitanjima vezanim za monitoring kvaliteta zraka.

Zadatak Stručnog tijela je:

- stalna koordinacija i nadzor nad provođenjem monitoringa zraka,
- praćenje stanja kvaliteta zraka,
- procjena trajanja epizoda povišenih koncentracija polutanata u zraku,
- pripremanje izvještaja, prijedloga i informacija, koje dostavljaju Ministarstvu prostornog uređenja i zaštite okoliša potrebnih za dalje postupanje,
- provodi i sve druge aktivnosti s ciljem efikasne primjene Plana.

#### 3. Pravna i fizička lica koja u svojoj djelatnosti imaju emisiju zagađujućih materija u zrak su:

- privredna i uslužna preduzeća,
- industrijska postrojenja,
- preduzeća za proizvodnju i distribuciju toplotne energije,
- vlasnici ložišnih instalacija bez obzira na djelatnost,
- preduzeća koja se bave prevozom građana i roba,
- vlasnici motornih vozila.

Preduzeća za proizvodnju i distribuciju toplotne energije i preduzeća koja se bave javnim prevozom putnika na području Kantona, subjekti zaduženi za primjenu Plana i operatori pogona koji svojim radom značajno doprinose povećanju emisija u zrak, dužni su donijeti svoje Interne operativne planove za djelovanje u slučajevima proglašavanja epizoda iz Plana, sa naznakom imenovane kontakt osobe sa brojem telefona, te isti dostaviti Ministarstvu najkasnije 15 dana nakon usvajanja Plana.

Spisak obveznika internih operativnih planova čini sastavni dio ovog Plana.

#### 4. Pravna i fizička lica koja se bave poslovima prijema i prenosa informacija.

Pravna i fizička lica koja se bave poslovima prijema i prenosa informacija, pozivanja građana i uzbunjivanja su:

- civilna zaštita, hitna medicinska pomoć, komunalna preduzeća, te ostale nadležne službe zavisno od potrebe.

Predsjednik operativnog štaba, na prijedlog Stručnog tijela proglašava prvu epizodu prekomjernih koncentracija zagađujućih materija u zraku i odlučuje o potrebi sazivanja i početka djelovanja Operativnog štaba Vlade Kantona Sarajevo za primjenu mjera u slučajevima druge i treće epizodne situacije.

Izuzetno, u vrijeme neradnih dana i praznika, Stručno tijelo proglašava epizodu "Pripravnost", te obavještava Ministra radi odlučivanja o daljnjim aktivnostima, a posebno o potrebi sazivanja Operativnog štaba, odnosno proglašavanja druge i treće epizode: "Upozorenje" ili "Uzbuna".

U hitnim slučajevima, Predsjednik operativnog štaba može telefonskim putem izvršiti konsultacije sa ostalim članovima štaba o potrebi proglašenja druge i treće epizode.

Prestanak primjene mjera po epizodama vrši se na isti način kao i kod njihovog proglašavanja.

#### IV.

#### POSTUPAK I MJERE ZA UKLANJANJE OPASNOSTI

Epizode povećanih koncentracija zagađujućih materija u zraku Kantona Sarajevo su:

1. PRIPRAVNOST,
2. UPOZORENJE i
3. UZBUNA

Epizode se proglašavaju na osnovu izmjerenih ili proračunatih prosječnih vrijednosti koncentracija zagađujućih materija u zraku, konstatovanih na području Kantona, a u skladu sa graničnim i tolerantnim vrijednostima kvaliteta zraka, pragovima upozorenja i pragovima uzbune datim u članovima 15 i 20. Pravilnika o načinu vršenja monitoringa kvaliteta zraka i definisanju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH", 1/12).

Tabela 1. Granične vrijednosti

Zagađujuća materija	Period usrednjavanja	Granične vrijednosti (µg/m <sup>3</sup> )
SO <sub>2</sub>	1 h	350
NO <sub>2</sub>	1 h	200
PM 10	24 h	50

#### 1. PRIPRAVNOST

Pripravnost se proglašava:

- ako se na području Kantona uspostavila stabilna vremenska situacija, proglašena od zvanične meteorološke službe, koju karakteriše sporo kretanje visokog atmosferskog pritiska, slab vjetar, pojačana prizemna temperaturna inverzija u sarajevskoj kotlini
- ako će se navedena vremenska situacija zadržati i u naredna 3 dana.
- ako izmjerene koncentracije zagađujućih materija u zraku na referentnim stanicama prelaze granične vrijednosti (Tabela 1).

#### 2. UPOZORENJE

Upozorenje se proglašava:

- ako izmjerene koncentracije zagađujućih materija u zraku na referentnim stanicama prelaze tolerantne vrijednosti (Tabela 2).

- ako se u narednih 24 sata, očekuje stabilna vremenska situacija, koja pogoduje kumuliranju zagađujućih materija u zraku.

Tabela 2. Tolerantne vrijednosti

Zagađujuća materija	Period usrednjavanja	Tolerantne vrijednosti (µg/m <sup>3</sup> )
SO <sub>2</sub>	1 h	455 (napomena 1)
NO <sub>2</sub>	1 h	270 (napomena 1)
PM10	24 h	300 (napomena 2)

Napomena 1: Vrijednosti moraju biti prekoračene najmanje tri uzastopna sata.

Napomena 2: Vrijednosti moraju biti prekoračene kao 24-časovni prosjek za prethodni dan.

#### 3. UZBUNA

Uzbuna se proglašava:

- ako su izmjerene koncentracije na svim referentnim stanicama veće ili jednake pragovima uzbune za bilo koju zagađujuću materiju u zraku iz Tabele 3.
- ako se u 48 sati očekuje stabilna vremenska situacija

Tabela 3. Pragovi uzbune

Zagađujuća materija	Period usrednjavanja	Pragovi uzbune (µg/m <sup>3</sup> )
SO <sub>2</sub>	1 h	500 (napomena 1)
NO <sub>2</sub>	1 h	400 (napomena 1)
PM10	24 h	400 (napomena 2)

Napomena 1: Vrijednosti moraju biti prekoračene najmanje tri uzastopna sata.

Napomena 2: Vrijednosti moraju biti prekoračene kao 24-časovni prosjek za prethodni dan.

U slučaju da preduzete mjere zabrane i ograničenja u roku od narednih 48 sati ne obezbijede smanjenje koncentracija zagađujućih materija u zraku na osnovu kojih je proglašena uzbuna odnosno, trend koncentracija zagađujućih materija u zraku je i dalje u porastu, tada ovlašteni Operativni štab može preduzeti i pojačane mjere smanjenja emisije.

#### 4. UPOZORENJE I UZBUNA U SLUČAJU PREKORAČENJA OZONA

- **Upozorenje** se proglašava u slučajevima prekoračenja praga upozorenja za prizemni ozon (tabela 4) na bilo kojoj od mjernih stanica u najmanje 3 uzastopna sata.
- **Uzbuna** se proglašava kada na bilo kojoj mjernoj stanici pređe prag uzbune u najmanje 3 uzastopna sata.

Tabela 4. Pragovi upozorenja i uzbune za prizemni ozon

Zagađujuća materija	Period usrednjavanja	Prag upozorenja (µg/m <sup>3</sup> )	Prag uzbune (µg/m <sup>3</sup> )
O <sub>3</sub>	1 h	180 (napomena 1)	240 (napomena 1)

Napomena 1: Vrijednosti moraju biti prekoračene najmanje tri sata.

#### V

#### MJERE U EPIZODNIM SITUACIJAMA

1. U slučaju proglašenja epizode PRIPRAVNOST preduzimaju se sljedeće mjere:
  - upozorenje rizičnim grupama stanovništva za smanjenje kretanja,
  - apeli vozačima za smanjenje korištenja privatnih automobila,

- pojačana kontrola vozila i upućivanje na vanredni tehnički pregled vozila koja vidno emituju veće količine crnog dima i čađi,
  - upozorenje da je kažnjivo svako spaljivanje otpada u kućanstvima i pozivanje, da se u slučaju sumnje, takva nedozvoljena postupanja prijave nadležnim inspekcijama općine i Kantona
  - intenziviraju aktivnosti KJKP "Rad" i "Park" Sarajevo, kao i drugi operatori na čišćenju saobraćajnica i drugih javnih površina radi smanjenja emisije prašine PM10,
  - poziv stanovništvu da svojim ponašanjem i aktivnostima dodatno ne doprinose zagađenju zraka,
  - poziv pravnim licima, vlasnicima ili korisnicima kotlovnica ili ložišta, da preduzmu sve potrebne, tehnički izvodive mjere kako bi se smanjile emisije u zrak, uključujući i čišćenje dimovodnih instalacija, a po potrebi odgoditi izvođenje svih operacija koje bi mogle pogoršati kvalitet zraka.
2. U slučaju proglašenja epizode UPOZORENJE, preduzimaju se, uz zadržavanje svih mjera iz epizode pripravnosti, i sljedeće mjere:
- Zabrana korištenja otpada i biomase u pogonima (posebno pilanama i industrijama namještaja), ukoliko uređaj za sagorijevanje nije namjenski projektovan za to gorivo,
  - Upozorenje da sva postrojenja za sagorijevanje snage preko 1 MW koja koriste čvrsta goriva i teška ulja, smanje produkciju toplotne energije za minimalno 3°C,
  - KJKP "Toplane" Sarajevo, kao i drugi subjekti koji se bave proizvodnjom i distribucijom toplotne energije, a koriste prirodni gas kao energent, nezavisno od njihovih korisnika, smanjuju temperaturu u prostorima koji zagrijavaju za 1°C,
  - Korištenje maksimalnog kapaciteta sredstava javnog gradskog prevoza koji ne zagađuju okoliš (trolejbusi i tramvaji),
  - Zabrana kretanja automobila čiji motori imaju normu manju od Euro 3 - pojačane kontrole organa MUP-a. Ovo se ne odnosi na vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila sa diplomatskim tablicama i vozila hitnih intervencija (hitna pomoć i vatrogasci).
  - Zabrana saobraćaja za teretna motorna vozila, ukupne mase preko 3,5 tone na potezu Bašćaršija - Otoka (Okretnica GRAS-a) u oba smjera. Za vrijeme zabrane saobraćaja postaviti znakove zabrane na ulicama i prilazima ugroženom području.
  - Osigurati protok motornih vozila bez dužeg zadržavanja na glavnim gradskim raskrsnicama sa izmjerenim najvećim koncentracijama zagađujućih materija, putem uvođenja Centra za upravljanje i nadzora semaforiziranih raskrsnica gdje bi se iz kontrolnog centra moglo uticati na dužinu trajanja "zelenog vala".
  - Privremena zabrana korištenja čvrstog goriva i teških ulja i privremeni prelazak rada industrijskih i drugih objekata na alternativnu vrstu goriva, koje je ekološki prihvatljivije i gdje za to postoje mogućnosti.
  - Ostale mjere za koje Operativni štab procijeni da mogu doprinijeti poboljšanju kvaliteta zraka.
3. U slučaju proglašenja epizode UZBUNA, uz zadržavanje svih mjera iz epizoda upozorenja i pripravnosti, preduzimaju se sljedeće mjere:
- Korištenje maksimalnog kapaciteta sredstava javnog gradskog prevoza koji ne zagađuju okoliš (trolejbusi i tramvaji), zabrana kretanja autobusa čiji motori imaju normu manju od Euro 3, ili posjeduju dokaz da je emisija izduvnih gasova u skladu sa Euro 3 normom.
  - KJKP "Toplane" Sarajevo, kao i drugi subjekti koji se bave proizvodnjom i distribucijom toplotne energije, nezavisno od njihovih korisnika, smanjuju temperaturu u prostorima koji zagrijavaju za 3°C,
  - Privremeno ograničenje upotrebe motornih vozila (sistem "par"- "nepar"). Ovo se ne odnosi na vozila policije, ministarstva odbrane, javnog gradskog prevoza, komunalnih preduzeća, vozila sa diplomatskim tablicama, i vozila hitnih intervencija (hitna pomoć i vatrogasci),
  - Zabrana rada industrijskih i drugih pogona koja u tehnološkom procesu koriste čvrsto gorivo i teža lož-ulja,
  - Ostale mjere za koje Operativni štab procijeni da mogu doprinijeti poboljšanju kvaliteta zraka.
  - Obavezna upotreba tečnog posipnog materijala za sprječavanje zaleđivanja cesta na glavnim gradskim saobraćajnicama.
  - Nastava u školama će se organizovati tako da se maksimalno izbjegnju gužve u javnom gradskom prevozu, po potrebi obustaviti nastavu i uskladiti radno vrijeme zaposlenika, prvenstveno u javnoj upravi, te eventualno osloboditi radnih obaveza rizične grupe stanovništva.
- U slučaju da situacija zahtijeva direktno proglašenje epizode UPOZORENJE ili UZBUNA, primjenjuju se sve mjere utvrđene za prethodne epizode.
- Industrijski i drugi objekti koji podliježu obavezni ograničenja u radu ili izmjeni pogonskog goriva evidentirani su, u skladu sa Odlukom o zaštiti i poboljšanju kvaliteta zraka u Kantonu Sarajevo ("Službene novine Kantona sarajevo" broj 1/13) i čine sastavni dio ovog Plana.
- MJERE U EPIZODNIM SITUACIJAMA POVIŠENIH KONCENTRACIJA PRIZEMNOG OZONA**
- U slučaju proglašenja epizode UPOZORENJE, preduzimaju se sljedeće mjere:
- Apel stanovništvu za smanjeno kretanje.
  - Upozorenje stanovništvu na prekomjerno zagađenje prizemnim ozonom
  - Upozorenje o štetnostima i načinima zaštite od povišenih koncentracija prizemnog ozona
  - Osigurati protok motornih vozila bez dužeg zadržavanja na glavnim gradskim raskrsnicama
- U slučaju proglašenja epizode UZBUNA, preduzimaju se sljedeće mjere:
- Upozorenje stanovništvu za smanjenim kretanjem.
  - Zabrana rada svih industrijskih pogona koji u emitovanim polutantima sadrže prekursore ozona.
  - U slučaju da problem povišenih koncentracija prizemnog ozona ne može biti riješen na drugi način, Kanton može izmijeniti režim korištenja određenih puteva za određene vrste vozila - član 30. Zakona o zaštiti zraka FBiH.
- VI  
NADZOR**
- Nadzor nad provođenjem mjera utvrđenih u ovom Planu vrše resorna ministarstva Kantona, Kantonalna uprava za inspekcijske poslove, općinske, urbanističko-građevinske inspekcije kroz primjenu propisanih mjera zaštite zraka u izdatim dozvolama iz njihove nadležnosti, nadzor nad radom i organizacijom gradilišta i sl., te komunalne inspekcije i komunalni redari u okviru djelatnosti koje se odnose na održavanje i čišćenje saobraćajnica, a posebno kontrolu uklanjanja posipnog materijala za sprečavanje poledice, spaljivanje otpada i drugih poslova definisanih Zakonom o komunalnoj čistoći.
- Posebno za vršenje nadzora su zaduženi i Saobraćajna policija, te civilna zaštita u smislu pružanja informacija o potrebi preduzimanja utvrđenih mjera i neposredno koordiniranje aktivnosti sa općinskim štabovima civilne zaštite, a u skladu sa Uredbom o organizovanju službi zaštite i spašavanja Kantona Sarajevo ("Službene novine Kantona Sarajevo", broj 2/08)
- Operativni telefoni za prijave u vezi sa provođenjem ovog Plana su: Eko-telefon br. 033/66 00 00 ili telefon Kantonalnog operativnog centra civilne zaštite br. 121.

VII  
TROŠKOVI

Troškove provođenja ovog Plana snose subjekti zaduženi za njegovo provođenje.

Broj 02-05-788-2.2/14  
14. januara 2014. godine  
Sarajevo

Premijer  
**Suad Zeljković, s. r.**

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), Vlada Kantona Sarajevo, na 51. sjednici održanoj 14.01.2014. godine, donijela je sljedeći

**ZAKLJUČAK**

1. Daje se saglasnost za pokretanje inicijative za izradu Strategije razvoja Kantona Sarajevo za period 2014. do 2020. godina.
2. Zadužuje se Zavod za planiranje razvoja Kantona Sarajevo da pripremi Odluku o pristupanju izradi Strategije razvoja Kantona Sarajevo za period 2014.-2020. godina u roku od 30 dana od donošenja ovog Zaključka.
3. Zadužuje se Zavod za planiranje razvoja Kantona Sarajevo da, u saradnji sa kantonalnim organima uprave i upravnim organizacijama, kantonalnim javnim ustanovama i kantonalnim javnim komunalnim preduzećima i jedinicama lokalne samouprave, donese Plan aktivnosti na pripremi i izradi Strategije razvoja Kantona Sarajevo za period 2014.-2020. godina u roku od 60 dana od usvajanja Odluke o pristupanju izradi Strategije razvoja Kantona Sarajevo na Skupštini Kantona Sarajevo. Plan aktivnosti na izradi Strategije usvaja Vlada Kantona Sarajevo.
4. Sredstva za izradu Strategije razvoja Kantona Sarajevo obezbijedit će se u Budžetu Kantona Sarajevo i bit će locirana na razdjelu 27. Zavoda za planiranje razvoja Kantona Sarajevo za 2014. i 2015. godinu.
5. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-788-12/14  
14. januara 2014. godine  
Sarajevo

Premijer  
**Suad Zeljković, s. r.**

**Ministarstvo zdravstva**

Na osnovu člana 66. st. 1. i 2. Zakona o organizaciji organa uprave u FBiH ("Službene novine Federacije BiH", broj 35/05) a u vezi tačke VI stav 1. pod 1) Odluke o listi lijekova Kantona Sarajevo ("Službene novine Kantona Sarajevo", broj 36/13, 37/13 - ispravka, 50/13 i 51/13,) ministar zdravstva Kantona Sarajevo donosi

**UPUTSTVO**

**ZA PRAVILNU PRIMJENU LISTE LIJEKOVA  
KANTONA SARAJEVO KROZ UVOĐENJE  
INDIKACIONIH OZNAKA I INDIKACIJA ZA SIGURNU  
I RACIONALNU UPOTREBU LIJEKOVA SA A I B  
LISTE LIJEKOVA**

**I**

Ovim uputstvom se definišu indikacione oznake i indikacije za primjenu lijekova sa A i B liste lijekova, odnosno stanja i bolesti u kojima se lijek može koristiti a koje su u skladu sa izdatim odobrenjem za prometovanje lijekova izdato od Agencije za lijekove i medicinska sredstva BiH, u svrhu pravilne, sigurne i racionalne upotrebe lijekova sa Liste lijekova Kantona Sarajevo i smanjivanja nus pojava lijekova.

**II**

U Listi lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo-Lista A za

sljedeće lijekove utvrđuje se indikaciona oznaka i indikacija kako slijedi:

Šifra ATC	Nezaštićeno ime (generičko ime) INN	Režim propisivanja	Indikacije
A10AE04	inzulin glargin	Rp/spec	za potrebe bolesnika od šećerne bolesti sa neregulisanom glikemijom (HbA1c< od 6,5%) i za potrebe bolesnika koji na inzulinskoj terapiji imaju česte hipoglikemije
A10AE05	inzulin detemir	Rp/spec	za potrebe bolesnika od šećerne bolesti sa neregulisanom glikemijom (HbA1c< od 6,5%) i za potrebe bolesnika koji na inzulinskoj terapiji imaju česte hipoglikemije
A10BH01	Sitagliptin	Rp/spec	za liječenje šećerne bolesti tipa 2, za poboljšanje glikemijske kontrole kod odraslih osoba kao dopuna dijeti i tjelovježbi; dodatna terapija ako standardni antidijabetici ne daju zadovoljavajuće rezultate
B01AC04	Klopidogrel	Rp/spec	za liječenje bolesnika poslije ugradnje prenosnica ili stenta, po preporuci bolničkog specijaliste, u trajanju od 3 do najviše 12 mjeseci, ovisno o vrsti stenta
C07AB07	Bisoprolol	Rp/spec	samo za hipertenziju i anginu pectoris
C07AG02	Karvedilol	Rp/spec	hronično zatajivanje srca
C09CA03	Valsartan	Rp/spec	samo za bolesnike koji ne podnose ACE inhibitore
C09DA03	Valsartan, hidrohlorotiazid	Rp/spec	samo za bolesnike koji ne podnose ACE inhibitore
C10AA01	Simvastatin	Rp	u primarnoj prevenciji u bolesnika kojem je nakon tromjesečnog pridržavanja dijetne vrijednost ukupnog holesterola iznad 7 mmol/L
G04CA02	Tamsulozin		samo po preporuci specijalista urologa
G04CB01	Finasterid	Rp/spec	samo po preporuci specijalista urologa
G04CB02	Dutasterid	Rp/spec	samo po preporuci specijalista urologa
M05BA04	Alendronska kiselina	Rp/spec	u bolesnika nakon osteoporotične frakture i za liječenje osteoporoze (DXA T vrijednost u LI-4<=-2,5 ili <=- od -2,5 u Total/Neck), po preporuci specijaliste interniste, fizijatra, ortopeda ili ginekologa
N05AX02	Risperidon	Rp/spec	samo za duševne bolesnike sa refrakternim oblicima bolesti na klasičnu terapiju ili nepodnošenjem klasične terapije, po preporuci specijaliste psihijatra
N05AX12	Aripiprazol	Rp/spec	samo za duševne bolesnike sa refrakternim oblicima bolesti na klasičnu terapiju ili nepodnošenjem klasične terapije, po preporuci specijaliste psihijatra
N07BC51	Buprenorfin, nalokson	Rp/spec	na osnovu preporuke ljekara koji provode prevenciju i liječenje ovisnosti JU Zavod za alkoholizam i druge toksikomanije Kantona Sarajevo, na duplom receptu u količini za sedam dana terapije
R03DX07	Roflumilast	Rp/spec	Kao dodatak bronhodilatatorima, inhalacijskim kortikosteroidima i dugodjelujućim antagonistima muskarinskih receptora, po preporuci specijaliste pulmologa

**III**

U Listi lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo-Lista B za sljedeće lijekove utvrđuje se indikaciona oznaka i indikacija kako slijedi:

Šifra ATC	Nezaštićeno ime (generičko ime) INN	Režim propisivanja	Indikacije
A04AA01	Ondansetron	Rp/spec	samo za suzbijanje povraćanja uzrokovano emetogenim lijekovima (citostaticima), koji ne reaguju na metoklopramid
A05AA02	Urzodeoksiholna kiselina	Rp	primarna bilijarna ciroza i primarni sklerozirajući kolangitis
A09AA02	Pankreatin	Rp/spec	kod dokazane insuficijencije gušterače, po preporuci specijalista gastroenterologa
A10BX02	Repaglinid	Rp	u slučajevima postprandijalne hiperglikemije ili hipoglikemije između obroka
A10BX07	Liraglutidum inj. 2x3 ml (18mg/3ml) 6 mg	Rp/spec	samo za pretila bolesnike (sa indeksom tjelesne mase većim od 35) sa tipom 2 šećerne bolesti, sa nereguliranom glikemijom nakon primjene dva oralna antidiabetika, po preporuci specijalista dijabetologa
A11CC04	Kalcitriol	Rp/spec	za bolesnike sa hipokalcijemijom u kojih terapija horekalciferolom nema terapijski učinak po preporuci specijalista internista
B01AC30	Klopidogrel, acetilsalicilna kiselina	Rp/spec	Prevenција aterotrombotičnih događaja u odraslih bolesnika koji već uzimaju klopidogrel i acetilsalicilnu kiselinu. Za nastavak terapije: 1. kod bolesnika s akutnim koronarnim sindromom bez elevacije ST segmenta (nestabilna angina ili non-Q infarkt miokarda), uključujući bolesnike kojima se ugrađuje stent nakon perkutane koronarne intervencije, 2. kod akutnog infarkta miokarda s elevacijom ST segmenta, u medicinski tretiranih bolesnika koji se mogu liječiti tromboliticima.
B01AE07	Dabigatran eteksilat	Rp/spec	Prevenција moždanog udara i sistemske embolije u odraslih osoba s nevalvularnom atrijskom fibrilacijom s jednim ili više sljedećih faktora rizika: 1. prethodni moždani udar, tranzitoma ishemična ataka ili sistemska embolija, 2. ejectionjska frakcija lijevog ventrikula < 40%, 3. simptomatsko zatajenje srca, stupanj ≥ 2 prema klasifikaciji NYHA, 4. dob ≥ 75 godina, 5. dob ≥ 65 godina povezana s jednim od sljedećeg - dijabetes melitus, koronarna bolest srca ili hipertenzija, a koji ne postižu s varfarinom ciljnu vrijednost INR-a (INR 2-3).
BO1AX06	Rivaroksaban film tbl. 10x 10 mg	Rp/spec	prije i poslijeoperacijska profilaksa tromboembolije u visoko rizičnih bolesnika kod operacije kuka i totalne zamjene koljena u ortopediji, po preporuci ortopeda ili traumatologa
BO1AX06	Rivaroksaban film tbl. 28x15 mg	Rp/spec	tretman duboke venske tromboze i plućne embolije, po preporuci interniste, kardiologa, vaskularnog hirurga, pulmologa i nefrologa
BO1AX06	Rivaroksaban film tbl. 28x15 mg	Rp/spec	za prevenciju primarnog i sekundarnog moždanog udara kod pacijenata sa fibrilacijom atrijske, po preporuci interniste, kardiologa, vaskularnog hirurga, pulmologa, nefrologa, endokrinologa i neurologa
C03DA04	Eplerenon	Rp/spec	Dodatak standardnoj terapiji kod stabilnih bolesnika sa disfunkcijom lijeve komore i znacima zatajivanja srca nakon infarkta miokarda
C07AA07	Sotalol	Rp/spec	samo kao antiaritmik, po preporuci specijalista internista

C07AB12	Nebivolol	Rp/spec	1. hronično zatajivanje srca, po preporuci specijalista internista; 2. za hipertenziju i anginu pectoris
C09CA01	Losartan	Rp/spec	samo za bolesnike koji ne podnose ACE inhibitore
C09DA01	Losartan, hidrohloriazid	Rp/spec	samo za bolesnike koji ne podnose ACE inhibitore
C10AA05	Atorvastatin	Rp/spec	u primarnoj prevenciji u bolesnika kojem je nakon tromjesečnog pridržavanja dijete vrijednost ukupnog holesterola iznad 7 mmol/l
C10AA07	Rozuvastatin	Rp/spec	u primarnoj prevenciji u bolesnika kojem je nakon tromjesečnog pridržavanja dijete vrijednost ukupnog holesterola iznad 7 mmol/l
DO1AC 02	Mikonazol	Rp	Liječenje gljivičnih infekcija kože i sekundarne infekcije izazvane G+ bakterijama
D06BB10	Imikvimod	Rp/spec	po preporuci specijaliste dermatologa i ginekologa
G03AA12	Drospirenon, etinilestradiol	Rp	Prevenција trudnoće
G03DC02	Noretisteron	Rp/spec	Endometrioza
G03GA01	Horigonadotropin	Rp/spec	po preporuci specijalista ginekologa ili endokrinologa
G03GA02	Menotropin	Rp/spec	po preporuci specijalista ginekologa ili endokrinologa
G03GA04	Urofolitropin	Rp/spec	po preporuci specijalista ginekologa ili endokrinologa
G04CA04	Silodosin	Rp/spec	Za liječenje funkcionalnih simptoma donjeg urinarnog trakta kod dokazanog postojanja benigne hiperplazije prostate, po preporuci specijalista urologa
H01BA02	Desmopresin tbl. 30x0,2 mg	Rp/spec	samo u slučajevima kongestije nosne sluznice, ozljede ili anomalija nosa, nakon operativnog zahvata tumora hipotalamo-hipofizne regije i liječenje primarnog noćnog mokrenja, po preporuci specijalista internista, endokrinologa ili pedijatra
H01BA02	Desmopresin otop. 0,1 mg/0,1 ml a 5 ml	Rp/spec	samo za liječenje centralnog diabetes insipidusa, po preporuci specijalista internista, endokrinologa ili pedijatra
J01DC02	Cefuroksim	Rp	infekcija respiratornog, urinarnog i bilijarnog sistema, infekcije sa uzročnicima koji ne reaguju na polisintetske peniciline
J01DC04	Cefaklor	Rp	infekcija respiratornog, urinarnog i bilijarnog sistema, infekcije sa uzročnicima koji ne reaguju na polisintetske peniciline
J01DD08	Cefiksime	Rp	infekcija respiratornog, urinarnog i bilijarnog sistema, infekcije sa uzročnicima koji ne reaguju na polisintetske peniciline
M05BA06	Ibandronska kiselina	Rp/spec	u bolesnika nakon osteoporotične frakture i za liječenje osteoporoze (DXA Tv vrijednost u L1- 4<=-2,5 ili <=-od -2,5 u Total/Neck), po preporuci specijalista internista, endokrinologa, fizijatra ili ortopeda
M05BA07	Risedronska kiselina	Rp/spec	u bolesnika nakon osteoporotične frakture i za liječenje osteoporoze (DXA Tv vrijednost u L1- 4<=-2,5 ili <=-od -2,5 u Total/Neck), po preporuci specijalista internista, endokrinologa, fizijatra ili ortopeda
M05BB03	Alendronat, horekalcife.	Rp/spec	u bolesnika nakon osteoporotične frakture i za liječenje osteoporoze (DXA Tv vrijednost u L1- 4<=-2,5 ili <=-od -2,5 u Total/Neck), po preporuci specijalista internista, endokrinologa, fizijatra ili ortopeda
N01BB02	Lidokain	Rp	Lokalna anestezija
N02AA01	Morfin	§ Rp	Jaki akutni i hronični bolovi

N03AF02	Okskarbazepin	Rp/spec	samo za bolesnike sa epilepsijom refrakternom na druge anti epileptike, po preporuci specijalista neurologa ili pedijatra
N04BA03	Levodopa, karbidopa, enta kapon	Rp/spec	samo za liječenje uznapredovanog stadija Parkinsonove bolesti sa razvojem smanjenog učinka levodope i/ili pojave oscilacija, po preporuci neurologa
N04BC04	Ropinirol	Rp/spec	samo za liječenje uznapredovanog stadija Parkinsonove bolesti sa razvojem smanjenog učinka levodope i/ili pojave oscilacija, po preporuci neurologa
N04BC05	Pramipeksol	Rp/spec	samo za liječenje uznapredovanog stadija Parkinsonove bolesti sa razvojem smanjenog učinka levodope i/ili pojave oscilacija, po preporuci neurologa
N05AH03	Olanzapin	Rp/spec	samo za duševne bolesnike sa refrakternom oblicima bolesti na klasičnu terapiju ili nepodnošenjem klasične terapije, po preporuci specijalista psihijatra
N05AH04	Kvetiapin	Rp/spec	samo za duševne bolesnike sa refrakternom oblicima bolesti na klasičnu terapiju ili nepodnošenjem klasične terapije, po preporuci specijalista psihijatra
N05CF02	Zolpidem	Rp	samo za kratkotrajno liječenje nesанице
N05CF03	Zaleplon	Rp	samo za kratkotrajno liječenje nesанице
N07BC01	Buprenorfin	Rp/spec	na osnovu preporuke ljekara koji provode prevenciju i liječenje ovisnosti JU Zavod za alkoholizam i druge toksikomanije Kantona Sarajevo, na duplom receptu u količini za sedam dana terapije

R05DA04	Kodein fosfat	Rp/spec	Umjereno jaka bol kod malignih bolesti u kombinaciji sa blagim analgeticima, supresija podražajnog kašlja kod zloćudnih bolesti dišnih organa po preporuci specijalista
S01EC03	Dorzolamid	Rp/spec	za slučajeve refrakterne na uobičajenu antiglaukomsku terapiju, po preporuci oftalmologa
S01EC04	Brinzolamid	Rp/spec	za slučajeve refrakterne na uobičajenu antiglaukomsku terapiju, po preporuci oftalmologa
S01EE01	Latanoprost	Rp/spec	za slučajeve refrakterne na uobičajenu antiglaukomsku terapiju, po preporuci oftalmologa
S01FA01	Atropin	Rp/spec	Određivanje refrakcije oka, zapaljenjski proces na dužici i uvealnom traktu, po preporuci oftalmologa
S01GX07	Azelastatin	Rp/spec	za slučajeve refrakterne na uobičajenu antiglaukomsku terapiju, po preporuci oftalmologa

#### IV

Ovlašteni ljekari su dužni primjenjivati navedena indikaciona područja za stanja i bolesti koji se liječe lijekovima koji se propisuju i izdaju na teret sredstava Zavoda zdravstvenog osiguranja Kantona Sarajevo.

Nadzor nad provođenjem ovog uputstva provodit će se u skladu sa tačkom XX stav 1. Odluke o Listi lijekova Kantona Sarajevo.

#### V

Ovo uputstvo stupa na snagu danom donošenja a objavit će se u "Službenim novinama Kantona Sarajevo".

Broj 10-37-31395/13  
17. januara 2014. godine  
Sarajevo

Ministar  
Dr. Eldan Lokmić, s. r.

## OPĆINA ILIJAŠ

### Općinsko vijeće

Na osnovu odredaba Zakona o građevinskom zemljištu Federacije Bosne i Hercegovine ("Službene novine FBiH", br. 25/03, 16/04 i 67/05) i člana 55. Statuta Općine Ilijaš - Prečišćeni tekst ("Službene novine Kantona Sarajevo", br. 20/09), Općinsko vijeće Općine Ilijaš na sjednici održanoj dana 31.12.2013. godine donosi

### ODLUKU

#### O GRAĐEVINSKOM ZEMLJIŠTU

#### I. OPĆE ODREDBE

##### Član 1.

Ovom Odlukom uređuju se uslovi i način određivanja gradskog građevinskog zemljišta i ostalog građevinskog zemljišta, sa opisom i grafičkim prikazom granica obuhvata, način dodjele na korištenje građevinskog zemljišta u državnom vlasništvu radi građenja i osnovi i mjerila za određivanje visine naknade za dodjelu zemljišta, uređenje i korištenje građevinskog zemljišta.

##### Član 2.

Gradsko građevinsko zemljište je građevinsko zemljište unutar prostornog obuhvata važećeg Urbanističkog plana Grada Sarajeva za urbano područje Ilijaš kao i vanurbana područja utvrđena u Prostornom planu Kantona Sarajevo za područje Općine Ilijaš.

##### Član 3.

Ostalo građevinsko zemljište je građevinsko zemljište izvan prostornog obuhvata gradskog građevinskog zemljišta na području općine Ilijaš.

#### II GRADSKO GRAĐEVINSKO ZEMLJIŠTE

#### Gradsko građevinsko zemljište urbanog područja općine Ilijaš

##### Član 4.

Gradsko građevinsko zemljište na urbanom području Općine Ilijaš polazi od tromede parcela k.č. 2069, 2067 i 14, koja se nalazi na granici između općina Ilijaš i Vogošća. Odatle granica nastavlja na sjever, te zapad međama parcela k.č. 2065, 2071, 2070, 2081, 2080, 2076/3, 2076/1, 2076/2, 2075, 2116, 2117/1, 2118, 2119, 2121, 2122, 2014, 2015, 1985, 1986, 2170, 2171/1 (obuhvata ih) i izlazi na put k.č. 1981 kojim produžava na sjever i dolazi do tromede parcela 1981 (put), 1972 i 1953. Granica dalje nastavlja na sjeveroistok međama parcela k.č. 1953, 1954, 1955, 1860/2, 1860/1, 1859, 1843 (obuhvata ih) i dolazi do tromede parcela k.č. 1843, 1842, 2482 (put). Zatim presjeca put k.č. 2482 i dalje nastavlja na sjeveroistok pa na jugoistok putevima k.č. 1313 i 1340 i dolazi do tromede parcela k.č. 1340 (put), 1719 i 1367. Granica urbanog područja Ilijaš nastavlja na istok, jugoistok, te sjever međama parcela k.č. 1367, 1382, 1383, 1388, 1386 (obuhvata ih), te izlazi na put k.č. 2480 i produžava na sjever putevima k.č. 2480, 2479 i 1131 i dolazi do trigonometra broj 156. Granica dalje nastavlja u pravcu sjevera sijekuci parcele k.č. 711/1, 711/2, 713 (put) i 714 i izlazi na rijeku Misoču. Nastavlja u istom pravcu uzvodno rijekom Misočom k.č. 2476 i dolazi do mjesta gdje se spaja sa zajedničkom granicom katastarskih općina K.O. Podgora I i K.O. Podgora II, lomi se i ide na zapad zajedničkom granicom dviju katastarskih općina Podgora I i Podgora II i dolazi do raskršća puteva k.č. 750, 1771 i 1755. Nastavlja na sjever idući putem k.č. 1753 i dolazi do tromede parcela k.č. 1755 (put), 1758/2 i 1764, produžava u istom pravcu